



ТІЛЬГУН

Челядьлы лыддянторъяс

Василий Лодыгин

ВНУК

Пилы пи, а меным внук
Карын сідзсö оло.
Оз и пуксьыв öти здук,
Сиктаным кор волö.

Ёртыс сылөн улич тыр,
Гöлöс ставлөн гора.
Тыр да быр да тыр да быр
Кылö помсянь дорö.

Внукöй, быттьö Соьер Том,
Налөн сарыс-юрыс.
Веськодь лöдз и веськодь ном,
Зэрыс - медся бурыс.

Карын вöля тадз оз сюр,
Мед и шаньмö лолыс.
Ёртасьомыд медся бур,
Сійö медся колö.

ДЗОЛЯ МАША

Кöза лысьтöм - ныма удж,
Но оз куж на нылыс.
Квайтöд вылö на эз вудж,
Кытысь сямыс сылы?

Но öд зиля тасьтi-пань
Дзоля Маша мыськö.
Сійö мамыслөн зэв шань
Лоöма тай кыськö.

Пырас школаö да медь
Сöмын "пятья" босьтö.
Некор "двайс" мед оз шед,
Сійö морттö косьтö.

Дзоля Машалөн бать-мам
Асьныс шаньбось-бурöсь.
Насянь нывкаылсөн сям,
Да и аслас юрысь.

ГАЖА ПАРМА

Серпасалi гажа парма,
Кытчö сёйсь волi арнас.
Сэки ставыс вöли тырыс,
Быдтор пестерö мен пырис.

Пувсö-й, чöдсö-й, тшаксö-й вотi,
Эмыд öдий дозий содiс.
Тöлыс куз да ставыс бырас,
Лöсьыда на-й вомö пырас.

Йöвнад, нöкнад ставыс чöскыд,
Эм кор карта вылад мöскыд.

Серпасалi гажа парма,
Таво бара муна арнас.

КОЗИН

Бур и козин - кокын лызь,
Лэба - бöрын кыптö пызь!
Кайи паныд, вуджи ю,
Менö некодi оз су.

Лызьсö вöчис ыджыд бать,
Водзтi вöчлис меным дадь.
Быдтор сяммö дона морт,
Кодi меным медбур ёрт.

"Öнi ылöсö эн уй,
Быдман - вөрö вöчан туй.
Кыйны кутан тулан-ур,
Сьöлом вылад лö бур!"

Тадзи шуö дона морт,
Кодi меным медбур ёрт.
Дышлы ачымöс ог сет,
Тадзи збылысь лö мед.

Виталий Уляшев

ЮМОВ ТУСЬЯС

Öшинь улыс - чöскыд озья,
Öшинь весьтас - пельысь розьяс.
Озыйыс юмов, пельысь шома.
Кутшöм тусьяс öктас Тома?..

- Кöсья чöскыд тусьсö, - шуас. -
Көнi сійö - муас, пуас?
Видлiс ачыс... Сэссия пондiс
Нюмъявны сэн, быттьö шондi.

Вячеслав Бабин

ОТСАСЬЫСЬ

- Мамук, узь, мамук, узь.
Водзын луныс зэв на кузь,
Пöсьыд бара петас,
Мудзыд уна шедас.

Горгын уджыс тырыс,
Кор эськö и бырас?
- Мамук, узь, мамук, узь, -
Шуö тэныд зарни тусь.
Отсала мый верма
Гортгöгöрыд керны.
Джоджтö чышка-мыська,
Сюруктö тшöтш лысьта.
Пöжася и пуся,
Дöмся-вурся сюся.
Ветла пелла-вала -
Нимлуныд öд талун.

ЛОЛА

Парма шöрын, сёрта вöрын
Тапикасьö öтка йöра.
Кузь-кузь кока, вылын юра,
Дас кык вожа паськыд сюра.
Пипу кырсь да нывву лапъяс
Чöсмаянтор пьдди тшапйö.
Вуджö нюр, и егыр вуджö,
Тöдö, көнi көрым кутшöм,
Мед көть морсöдзыс тола,
Йöра, мөд ногөн кө, лола.

ТУЛЫСЛАНЬ

Тöлыс мыйлакö мен жаль,
Бара нин со мунö.
Пычкö синвасö февраль
Шондi ворсан лунö.

Тöлыд, эськö, кольччас, дерт,
Войпöлыс кө тшöктас.
Сöмын тулыс кызд оз берт?
Со тай кужмö сиктса эрд,
Регыд дзоридз öкта.

ЧОМ

Киын мөлöt, көрттув доз.
Понлы чомтор вöча.
Лоö лöсьыд, шоныд поз,
Вевтö эжа жöчөн.

Тутш да тотш - и уджлы пом,
- Тузик, пыр вай гортад!
Быттьö керка тэнад чом,
Менам медбур ёртöй.

Александр Шебырев

ВАНЬ ДА ЧЕРИ

Август тöлысь. Вөр ю вом.
Ваньлы пысасис ён ком.
Зиля муткырасьö чери.
Мый по, Ваньö, мекöд керин?
Со и тыдовтчис тай... Бур...
Васаылсөн кодь дзык юр.
Пöсьялöма Ваньö, радлö:
Ставыс лоас лючки-ладнö,
Петыр - Павеллысь ме кори.!.
Трач! - и шатин сöныд ори.
Комыд югнитлис и - уйис...
Вошöма нин сылөн туйыс.
Броткö чери вылö Вань:
- Тэ тай абу, вöлөм, шань.
Абу жаль ни... Дзоля на.
Мед на быдгас тэнö ва.

ПЛЕТЬПУ ЧЕРИ

Кодкö шуö: вьон, юм чери,
Кодкö весиг плетьпу чери.
Сюрас киад - энö виöй!
Тöдöй: Гөрд Небöгын сійö.
Сөстөм ваын нэмсö оло,
Гудыр ваысь ёна полö.

Николай Мальцев

ЗАРАВА

Батьö бара локтiс вöрысь,
Сійö абу на öд пöрысь.
Вайис вугъя вевта туис,
Синсö чатыртiс да шуис:
«Ванюш, горшылд оз-ö косьмы?
Ноко, туис вевтсö востылы». -
Юи пöттöдз, шуи: «Аттьö!
Кутшöм ва нö тайö, батьö?»
«Заравасö кызд пу сетiс,
Мыйон тулыс воö, петö». -
Чужан муысь быдтор сюрö,
Олан кө он нитшка юрөн.

ЧÖД

Козья вöрын лөн да ыркыд,
Вотчам, чуманнымöс тыртам.
Кыв и вом дор мян сьöд:
Пöттöдз сөйим юмов чöд.

МЫРПОМ

Паськыд норыс ылысянхыд тыртöм,
А сэн тырыс агтö чöскыд мырпом.

Альбина Попова

ТÖВ

Еджыд эшкын улын
Узьö төвся му.
Венечува платтьö
Пасьталiс кызд пу.

Даддя посни челядь
Ывла вылын тыр.
Кузь да гылыд чойöд
Ислалö лунтыр.

Көть и Көдзыд пöлыс
Игналöма вом,
Оз и тыдав некөн
Ислалөмлы пом.

ЧУЖАН ЛУН

Татшöмторыйд, дерт, оз вун:
Талун Васылөн чужан лун.
Мамыс ньöбис дзык выль дадь,
Радлö мортыд сы ни садь.

Мунiс, көнi джуджыд кыр,
Челядь исласьöны пыр.
Көть и пырис кокас лым,
Чужöмбаныс лоис пым.

Тöдлытöг и пуксис рыт,
Мамыс горзö: «Пестö пырт!»,
Но, көть сылөн чужан лун,
Кынмис кокыс да оз мун.

Челядь отсалiсны пыр,
Даддьөн кыскисны вель дыр.
Горöдiсны: «Воим тай.
Ачид керкаад пыр вай!»

Паччөр вылö кайис Вась,
Пыр и узьны лоис дась.
Сійö узигас зэв шань,
Локтiс дiнас весиг кань.

Максим Уляшев

РАКА

Öшинювса пожöм вылын
Карзiс рака кузьлунтыр.
Көнкö бокын, көнкö ылын
Воча карзöм кылiс дыр.
Олöмыд тай абу сөрөм,
Вемöсыд тай абу вöt.
Көдзыд тöлын мортлөн йöрын
Лоö корсьны кынöмпöt.

ТÖЛЫН

Ывлаын шутьялö төв,
Картаын вугралö вöв.
Паччöрын шонтысьö кань,
Пöжасьö пачын ас нянь.

Дыркодь нин лымъяло, дыр,
Зонкалөн гөрдöдiс ныр.
Весалö ичöгыс лым,
Миянын абу тай Крым.

ТУТШ-ТОТШ

Велпонса начальнöй
школа. Медводдза да
коймöд классьясын ме
велöда коми кыв, а
орчча жырйын Васи-
лий Яковлевич рочöс.
Сэнi кылыштö сёрни,
а менам классын кылö
гут лэбзьöм. Челядь,
быттьö истöг көрöбын
тувъяс - шаньбось, сös-
төмөсь, öзыйсь, вось-
саёсь, сöмын мый вы-
лö кө ышöд.

- Челядь, коми кывъ-
яд эм зэв мича шы
«тш», - висьтала да
петкöдла тшетшкөмөн
медводдза классын ве-
лöдчысьяслы. Коймöд
классаяс ас кежаныс
вöчöны гижан удж.
Медводдза классаяс
öтвылысь тшетшкö-
ны: «Тш, тш, тш...»
- Ноко, челядь, кор-
сям «тш» вылö кыв, -
шуа ме.

- Тшука! - горöдiс
Саша. Сылөн батыс
неважөн кыснанөн кы-
йöма Сыктылысь ыдж-
ыд сирöс, татчöс но-
гөн - тшукаöс. Вунö-
дан öмöй!
- Тшак! - дыр ду-
майттöг юөртiс Тамара.
Сылы ноябрын тырас
сöмын на квайт арöс,
но зэв сюсь, кужö нин
лыддысьны да гижны.
Көть эськö колö босьт-
ны сизим арöс тырём
бöрын, босьтiм ичöt-
джыкөн.

Класс быттьö öзыйс,
ставныс лэптiсны весь-
кыд кынысь, тэрыба
летйöны, медым юала
да ошкышта.
- Уртшак! - горöдiс Лёна.
- Гуткулан тшак! -
тайö Ваня.
- Кöч йöла тшак! -
тайö нин Лия.
- Понтшак! - юөртö
Лена.
- Кос тшак! - горöдö

Миша.
И водзö сöмын тшак
йылысь. Ковмис öлöд-
ны:

- Челядь, «ельдöгад»
«тш»-ыд абу и «ягсерад»
абу. Корсьöй выль кыв,
медым сэнi вöли «тш». -
Чöv-лөнъ. Выль кыв
корсьны абу кокни. Бара
на мездiс Тамара:
- Тутш!
- Молодеч, Тамара, -
ошка сюсь нывкаöс. Öти
сайын велöда овны. - Кор
öдзöсад көсьян пырны
кодъяськö, медводз колö
тутш-тотшкерны. Мöv-
пыштöй выль кывъяс.

Челядь эськö и мövпа-
лөнны, но некызд оз вер-
мыны мынтöдчыны он-
таяя «тшаксьыс». Бара
на кисö лэптiс Тамара.
Ошка:
- Со öд Тамаранымлы
бара на сюрис, буракö,
выль кыв. Кутшöм нö?
- Тотш!
Николай МАЛЬЦЕВ.

ВОТЧЫСЬ

Ичötик Машуклы ты-
рис куим арöс, и батыс
кöсьысыс босьтылыны сийöс
вөрö видзöдлыны тшак-
вотöс, нимкодьясьыштны
мича ягъясьон да расъ-
ясён. Нывкалөн вомыс эз
и тупкысьлы, сийö дуг-
дывтöг ойшыйыс гортса-
лы, мый ыджыд нин да
мунö вотчыны.

Батыс сетiс нывкалы
ичötик ведра, ачыс босьтiс
пестер. Гөгөрвоис эськö,
мый вотчöмысь ёнасö оз ло,
но öд мыйкö да сюрыштас.
Видзьяс кузя восталiл-
гөн ичötик морт быдлаб
ылалис. Сувтлiс мича дзö-
ридзьяс дорö, кекöбьнас
вөрöдiс турун сияс, пож-
йыштiс мича гөрд сапöгсö
ичötик тельгысь-ворсöд-
чысь шорын.

- Дитюк, сюсьдыжка.
Тадзтö ми вöрад ог воой.
- Воам! - нывка кутiс
востьявны сюсьдыжка.

Вөрö пырём бöрын ичöt
морт лөнiс. Сийö тшö-
кыда ышплалiс да жугы-
ля видзöдiс бать вылö.

- Мый, нылук, шогö
усин?
- Уси, дерт. Локтi вөрö,
а весиг öти тусь оз тыдав,
- гусьöникөн вочавидзис
нывка.
- Ноко, видзöдлы эстчö,
пу улас, - шуис батыс.
- У-у-у, тшак, - нюжöдiс
Машук. - Тшак, тшак!
- Вот öд, а тэ шуан ни-
нём абу. Лок, водзö веллам.
Батя-ныла вель дыр чу-
көртiсны вижöдём корьяс
улö дзөсьбөм тшакъясöс.
Ыджыкдьö керасö во-
ём бöрын бать пуксьöдiс
нывсö медся мича да
вогöса дзу водзö.

- Ой, мыйта тусьыс!
М-м-м чöскыдда, - сёрнитiс
Машук. Сийö сюся сюялiс
гырысь тусьясö вомас да
тыпкөдчис. Кыясыс да чу-
жöмыс нывкалөн сьöда-
сысны, и сийö чуймөмөн

видзöдiс няйт чуньяс
вылас.

- Батьö, а кор ми гор-
тö мунам?
- Мудзин? - юалiс
батыс.
Машук жугыля ви-
дзöдлiс батыс вылö да
ышловзис.
- Лок, мöдам, - шуис
ыджыд морт.
Видз вылö петöм бöр-
ын нывка бөрдзiс. Бать-
ыс босьтiс сийöс ки вылас.
- Эн бөрд, шань ныв.
Шойччыштам, эн бөрд.
Нывка пуксис небы-
дик турун пöвстö, пук-
тiс юрсö батысылы пи-
дзос вылас да унмовис.

Бать вель дыр мöv-
палiс, мый вöчны узь-
ысь нылыскөд, а сэсья
паськыда нюмдiс юрас
воём мөвпысь. Недыр
ноксьыштөм бöрын сийö
мөдöдчис гортланыс.
Машук чöскыда узис
батысылөн мышку сай-
ын öшалысь пестерын.
Анжела ИЛЬИНА.